

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15. od 04.02.2015. godine) i Odluke o izboru najpovoljnije ponude (broj 12-332/19 od 25.01.2019. godine), zaključuje se

UGOVOR O JAVNOJ NABAVCI

Između ugovornih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu, u ulici Zmaja od Bosne bb, koga zastupa dekan prof. dr Samim /Malić/ Konjicija (u daljem tekstu: Kupac)

i

TERASIC Inc., - RegistarSKI broj: 25088684, sa sjedištem na adresi u Tajvanu, Gongdao 5th Rd, 9F. No.176 Sec2, Hsinchu City, 30070, koga zastupa odgovorna osoba Sean Peng (u daljem tekstu: Prodavac).

Član 1.

(Predmet Ugovora)

Predmet ovog Ugovora o javnoj nabavci (u daljem tekstu: Ugovor) je kupoprodaja specijaliziranih elektronskih komponenti za napredni mobilni sistem za segmentaciju slike (u daljem tekstu: elektronskih komponenti) od Prodavca za potrebe Kupca, a po osnovu direktnog sporazuma zaključenog između ugovornih strana.

Član 2.

(Obaveze Prodavca)

Prodavac se obavezuje da će:

- izvršiti isporuku elektronskih komponenti u skladu sa zahtjevima, potrebama i narudžbom Kupca, a najkasnije 30 (trideset) radnih dana od plaćanja fakture od strane Kupca,
- postupiti po eventualnim primjedbama Kupca u pogledu nedostataka u kvaliteti elektronskih komponenti i
- obezbjediti garanciju na isporučene elektronske komponente i to na period od 3 (tri) mjeseca.

Član 3.

(Obaveze Kupca)

Kupac se obavezuje da će:

- blagovremeno obavijestiti Prodavca o načinu, mjestu i terminu isporuke elektronskih komponenti,
- obavijestiti Prodavca o mogućim propustima prilikom isporuke elektronskih komponenti i
- obavijestiti Prodavca u razumnom roku o mogućim tehničkim neispravnostima elektronskih komponenti.

S.P.

Član 4.

(Povjerljivost)

Ugovorne strane se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

Član 5.

(Naknada i način plaćanja)

Kupac se obavezuje da će Prodavcu isplatiti cijenu ponude u iznosu od 5,906.70 USD (pethiljadadevetstošest i 7/100 USD), sa uračunatim transportom. Prodavac prihvata samo 100% unaprijed plaćanje prije isporuke.

Ugovoreni iznos naknade će se platiti na žiro račun Prodavca, kod odgovarajuće banke u Sjedinjenoj američkoj državi.

Član 6.

(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom odlučuje stvarno nadležan sud prema sjedištu Kupca.

Član 7.

(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Ugovor stupa na snagu danom potpisivanja.

U znak prihvatanja svih prava i obaveza iz ovog Ugovora, ugovorne strane svojeručno ga potpisuju.

ZA PRODAVCA

Sean Peng

Odgovorna osoba, Sean Peng

ZA KUPCA


Dean, Prof. dr. Samir Konjicija

Broj:


Broj:

Datum:

Datum:



Jan. 29th, 2019



Broj: 02-369/19
Datum: 29.01.2019